

太極仙公傳序

仙道尙矣繇神農氏雨師而來代有人焉至周老氏以清靜無爲爲宗學焉者奉之以爲教父其道益顯白於天下秦漢之君好長生方士雲集霧布飛騰變化者亦班班有人載之傳記不誣也吾邑葛仙公矣時得道而仙者也距今蓋千二百年矣種民相傳觀宇祀事逾久而逾盛香燈晨夕崇奉如一日然非夫道德有在亦烏能臻此歟余宦山東秩滿丁家艱還鄉里青元觀高士譚道林偕其同門友五人過余袖書一通出以示余曰此吾仙公傳也觀本仙公故宅仙公昇舉之後卽宅爲觀以奉之幾將千載矣聞風訪道者恒至而問焉患未有以語其詳也

道藏輯要

太極葛仙公傳序

壽

女集七  
六十五

先師竹巖翁有志於此有年所矣聞嘗語吾曰夫蔭其樹者猶愛其枝矧學其道而可不知所自哉昔呂先生嘗撰仙公傳一卷道藏之燬有間矣訪求未之獲也世遠而事逸事之逸茲非吾山中之甚闕典歟僅得閣阜山所記仙公傳一卷此書是已將鈔諸梓病其弗備而未果也旣而先師厭世羽化弟子將圖踵成先志以無忘先師平素眷眷攸念惟先生爲加潤色而傳諸好事者則豈惟山林是幸抑亦一邑神明之觀也余再三辭不獲命乃受書讀數過顧其敘次繁蕪而尙多放失於是重加編次爲傳一卷易曰神而明之存乎其人仙公之道神矣學其道者能修而明之則真其人也仙道亦烏有不可幾哉道林勉

之竹巖翁姓貢氏名惟琳世家丹陽之柳茹通儒書善鼓琴慕  
仙公之道而學焉者道林受業師也道林名嗣先世家丹陽之  
於溪師弟子皆丹陽望族云歲在丁巳二月朔朱緯序

道藏輯要

序 太極葛仙公傳

卷

女集七  
三十一